

## **PRILOG: UPUTSTVO ZA PISANJE RADOVA AUTORIMA**

Časopis "BH EKONOMSKI FORUM", Ekonomskog fakulteta Univerziteta u Zenici objavljuje naučne i stručne radove iz oblasti ekonomije. Radovi se mogu slati poštom na adresu: Univerzitet u Zenici, Ekonomski fakultet, ul. Travnička br. 3, 72000 Zenica, sa naznakom za "BH EKONOMSKI FORUM" (n/r mr.sci. Jasmina Džafić ili n/r prof.dr.sci. Almir Alihodžić); ili elektronskim putem na adresu: bh\_ekonomski\_forum@ef.unze.ba, ili bh.ekonomski.forum@gmail.com). Prestigli radovi se ne vraćaju.

### **Vrste radova**

Radovi se mogu svrstati kao:

**izvorni naučni rad (engl. original scientific paper)** - sadrži neobjavljene i nove rezultate originalnih istraživanja u potpunom obliku. Rad se karakterizira kao izvoran onda kada daje značajan doprinos određenoj naučnoj problematici ili njenom razumijevanju i kada opisuje nove rezultate istraživanja iz neke oblasti; napisan je tako da bilo koji stručnjak iz datog područja na osnovu navedenih informacija može ponoviti eksperiment i postići opisane rezultate s jednakom tačnošću ili unutar granica pogreške koje navodi autor ili može ponoviti autorova zapažanja, proračune ili teoretske izvode;

**prethodno saopćenje (engl. preliminary note)** - sadrži nove, još neobjavljene rezultate originalnih istraživanja, ali u preliminarnom obliku, ovaj oblik članka podrazumijeva objavljivanje novih naučnih rezultata, ali bez dovoljno pojedinosti koje bi omogućile čitatelju provjeru iznesenih podataka kao što je slučaj u izvornom naučnom radu;

**pregledni naučni rad (engl. review article)** - sadrži originalan, sažet i kritički prikaz jednog područja teorije ili praktičnih istraživanja, u kojem autor i sam aktivno kritički sudjeluje, a u kojem mora biti naglašena uloga autorovog originalnog doprinosa tom području u odnosu na već objavljene radove, kao i pregled tih radova. Pregledni rad sadrži cjelovit prikaz stanja određenog područja teorije ili njene primjene, autor iznosi vlastiti kritički osvrt i ocjenu, te obavezno navodi podatke o svim objavljenim radovima koje je koristio kao polazište za svoj rad;

**stručni članak (engl. professional paper)** - stručni članak koji sadrži korisne priloge iz određene struke i za određenu struku, ali ne predstavlja originalna istraživanja;

recenzije (critique), prikazi (review) i izvještaji (report) - ostali nekategorizirani radovi objavljuju se u posebnoj, za to predviđenoj, dijelu časopisa.

### **Postupak recenziranja**

Svi radovi podliježu dvostrukoj anonimnoj recenziji. Samo radovi sa afirmativnim recenzijama će biti objavljeni u časopisu. Nakon obavljene recenzije najkasnije u roku od 60 dana autori će biti obaviješteni o statusu poslanog rada. Radovi prihvaćeni od strane uredništva Časopisa obavezuju autore da iste ne objavljuju u drugim naučno-stručnim publikacijama.

U slučaju odstupanja od ovog uputstva uredništvo zadržava pravo uređivanja i prilagođavanja teksta standardima b/h/s jezika.

### **Formatiranje rada**

Prilikom slanja radova potrebno je posebno obratiti pažnju na slijedeće tehničke pojedinosti:

Rad se dostavlja u elektronskoj formi kao Word dokument [Times New Roman (TNR), ili Arial, 12] sa dvostrukim proredom, ne veći od 20 stranica, numerisan.

Na prvoj stranici u gornjem lijevom uglu se navodi ime i prezime autora (naučno ili stručno zvanje), a naziv ustanove u kojoj je zaposlen, adresa ustanove ili privatna adresa se stavljaju u fusnotu.

Naslov rada se piše u formatu TNR ili Arial, 14, bold, centrirano.

Sažetak rada dužine do 250 riječi, ključne riječi (tri do pet) i JEL klasifikacijsku oznaku. Sažetak sadrži opći prikaz teme, predmet i problem istraživanja, metodologiju rada, naznaku rezultata i zaključaka.

Tabele, grafikoni i jednačine sadrže naslov i brojnu oznaku redoslijedom kojim se navode. Legenda i izvor podataka te napomena autora se navode ispod tabela i grafikona u kurzivu (TNR 11, ili Arial 11).

Citiranje radova vrši u tekstu rada ili fusnotama ispod rada (biljeskama) umjesto postojećeg teksta.

### **Struktura rada**

Dakle, rad je neophodno da bude strukturiran iz sljedećih dijelovova:

- Naslov rada.
- Sažetak rada.
- Ključne riječi.
- Uvodna razmatranja.
- Pregled relevantne literature.
- Metodologija istraživanja.
- Rezultati istraživanja.
- Zaključak i preporuke.

Podnaslovi rada se označavaju rednim brojevima i pišu boldiranim slovima.

#### **1. Prvi podnaslov**

#### **2. Drugi podnaslov**

##### **2.1 Prvi odjeljak drugog podnaslova**

Dodatna pojašnjenja navode se u fusnotama čija numeracija počinje svakom novom stranicom.

Sažetak na engleskom jeziku (summary) dolazi nakon zaključka a prije navođenja literature.

Literatura se postavlja na kraj rada, uređena prema Harvard sistemu referenciranja za razne jedinice, kao na primjer:

#### **za knjige:**

Zečić, Dž., Huskanović, A., i Alajbegović, H., 2009. *Matematika za ekonomiste*. Zenica: Meligraf.za radove u časopisima:

Mešić, I., 2006. Osnove strategije razvoja trgovine u Bosni i Hercegovini. *Pregled*, časopis za društvena pitanja. 86 (3), str. 113-63.

#### **za časopise:**

npr. Allen, F., Jackowicz, K., Kowalewski, O., Kozłowski, L. (2017). „Bank lending, crises and changing ownership structure in Central and Eastern European countries“, *Journal of Corporate Finance*, No.4, pp.494-515.

**za elektronske izvore:**

North, D.C., 2003. The Role of Institutions in Economic Development. *Discussion Paper Series*, [online]. No. 2003.2. United Nations Economic Commission for Europe, Geneva, Switzerland. Dostupno na: [http://www.unece.org/oes/disc\\_papers/](http://www.unece.org/oes/disc_papers/) [pristup 19. septembar 2008]

**za službene dokumente u elektronskoj verziji:**

Centralna banka Bosne i Hercegovine, 2009. Godišnji izvještaj, [online]. Dostupno na: [www.cbbh.ba](http://www.cbbh.ba) [pristup 27.07.2009.]